

17 NOV 1998

APEC-BERITA-ISTERI (BERGAMBAR)

SITI HASMAH RAIKAN PARA ISTERI PEMIMPIN APEC

Oleh: Nin Zairani Mohd Ali

KUALA LUMPUR, 17 Nov (Bernama) -- Isteri Perdana Menteri Datuk Seri Dr Mahathir Mohamad, Datin Seri Dr Siti Hasmah Mohd Ali hari ini meraikan isteri-isteri para pemimpin Apec ke satu majlis makan tengahari.

Majlis itu yang diserikan dengan satu pertunjukan fesyen yang diadakan di Kelab Petroleum Malaysia di Kuala Lumpur City Centre (KLCC) dihadiri oleh Allison Janette Howard (Australia), Aline Chretien (Kanada), Marta Larraechea de Frei (Chile), Betty Chiu Hung Ping (Hong Kong, China), Chizuko Obuchi (Japan), Lee Hee-Ho (Korea), Nilda Patricia Velasco de Zedillo (Mexico) Luisa P.Ejercito Estrada (Filipina), Tan Choo Leng (Singapura) dan Chiang Chen Mei Fuey (Taipei-China).

Ketibaan mereka di Menara Berkembar Petronas 2, disambut oleh Dr Siti Hasmah dan mereka kemudian menghadiri satu konsert di Dewan Filharmonik Petronas oleh 55 orang pemuzik muda daripada Sekolah Muzik Yamaha dan Akademi Seni dan Muzik Yamaha.

Dalam persembahan selama satu jam itu, wanita-wanita pertama itu dijemput memainkan satu motif (ciri nota muzik) setiap orang, dan dari situ pemuzik-pemuzik muda itu menjadikannya komposisi yang lengkap dan terus mempersembahkannya sama ada secara solo atau ensemble.

Para wanita utama itu juga melawat bazaar produk buatan Malaysia di luar kelab itu.

--BERNAMA

NZ AAM WAT